

古  
今  
詞  
統

古今詞統卷十五

杭州

卓人月珂月彙選

徐士俊三有叅評

夜飛鵲

一作夜飛鵲慢

別情

周邦彥

今人偽爲  
欲別不別  
之狀以博  
人權選人  
議者多矣  
能使驛驢

河橋送人處、良夜何其斜、月遠墮、餘暉銅盤燭、淚已  
流盡、霏霏涼露沾衣、相將散離會、探風前、津鼓、樹杪  
參旗、花驄會意、縱揚鞭、亦自行遲、○迢遞路、廻清  
人語漸無聞、空帶愁歸、何意重經前地、遺鈿不見、斜

會意非其  
情所潛格  
乎

幽藻疑駭  
賦

漁  
情

徑都迷。兔葵燕麥向斜陽影。與人齊。但徘徊班草秋。

飲。酌酒極望天西。

班草與班荆同  
義或作青草非

解連環

春水

高觀國

浪搖新綠滿芳洲。翠渚雨痕初足。蕩霽色流入橫塘。  
看風外漪漪。皺紋如縠。藻荇縈迴。似畱戀鴛飛鷓浴。  
愛嬌雲蘸色媚。日接藍遠。迷心目。○仙源漾舟岸曲。  
照芳容。幾樹香浮紅玉。記那回西洛橋邊。濺裙翠傳  
情。玉纖輕掬。三十六陂錦鱗渺。芳音難續。隔垂楊故

人望斷。浸愁千斛。

望海潮

呂聖求

酒秀辭開

側寒輕雨。微燈薄霧。匆匆過了元宵。簾影護風。盆池見日。青青柳葉柔條。碧草皺裙腰。正晝長烟煖。蜂困鶯嬌。望處。悽迷半篙綠水。浸斜橋。○孫郎病酒無聊。記烏絲酬語。碧玉風標。新燕又雙。蘭心漸吐。佳期趁取。花朝。心爭轉迢迢。但夢隨人遠。心與山遙。誤了芳音。小牕斜日到芭蕉。

別意

秦觀

奴如飛絮郎如流水相沾便肯相隨微月戶庭殘燈  
簾幙忽忽共惜佳期纔話暫分携早抱人嬌咽雙淚  
紅垂盡舸難停翠幃輕別兩依依○別來怎表相思  
有分香柏子合數松兒紅粉脆痕青牋嫩約丁寧莫  
遣人知成病也因誰更自言秋杪親去無疑但恐生  
時注著合有分子飛

松兒柏子  
又見洪茶  
際遇樂

凱歌上闌州守

鄧千江

雲雷天塹金湯地險名藩自古阜蘭管屯繡錯山形

金人樂府  
稱于江第

一小詞  
時不限夷

變也

米聚喉襟百三秦開鑿戰血痕殷見陣雲冷落時有  
鵬盤靜塞樓頭曉蟾依舊玉弓彎○看看定遠西還  
有元戎闔令上將齋壇區脫晝空堦鏊夕舉甘泉又  
報平安吹笛虎牙間且宴陪珠履歌按雲鬢醉裏英  
雄夢魂還繞賀蘭山

臯蘭山名霍去病合短兵鏖臯蘭山下馬援征隗  
囂聚米爲山谷金坡遺事十月初例賜錦長襖子  
太宗改賜黃盤鵬匈奴傳東胡與匈奴間中有棄  
地千餘里各居其邊爲區脫註作土室候望處區

與騷同揚子雲曰茅焦雖辨劇虎牙矣又虎牙山

名

一萼紅

感舊

尹礪民

起語神姿  
高微

疑語

玉搔頭是何人敲折應為節秦謳  
裴几朱絃剪燈雪藕幾回數盡更籌  
草草又一番春夢夢覺了風雨楚江秋  
却恨閑身不如鴻雁飛過粧樓  
○又是水枯山瘦歎回腸難貯  
萬斛新愁賴復能歌那堪對酒物華  
冉冉都休江上柳千絲萬縷  
惱亂人更忍疑眸猶怕

月來弄影莫上簾鉤

紅梅

陶宗儀

水雲鄉。又南枝逗煖。綽約漢宮妝。春艷穠分。朱鉛淺試。翠袖獨倚修篁。想應道東風料峭。剪霞彩零亂。補綃裳。勾漏尋真。丹丘授訣。傲睨冰霜。○畢竟孤標還在。縱天桃繁杏。難侶寒香。瑪瑙坡頭。珊瑚樹底。江南別是春光。且莫倚高樓玉管。怕輕盈飛處。誤劉郎。依舊小窻疎影。淡月昏黃。

落梅事亦  
化得新

望湘人



春思

賀鑄

動字則詞  
似日色然  
臨仙掌動

厭鶯聲到枕花氣動簾醉魂愁夢相半被惜餘薰帶  
驚刺眼幾許傷春春晚淚竹痕鮮佩蘭香老湘天濃  
煖記小江風月佳時屢約非烟遊伴○須信鸞絃易  
斷奈雲和再鼓曲終人遠認羅襪無踪舊處弄波清  
淺青翰棹艤白蘋洲畔儘目臨臯飛觀不解寄一字  
相思幸有歸來雙燕

厭鶯幸燕  
二承將無  
不平

咏塵

楊基

鏗塵之思  
落塵之思

愛輕隨馬足深輾繡輪落花飛絮相和紫陌春晴東

華風煖。拂拂嫩紅。嫩。羅襪微生。素衣曾染。閒愁無  
那看。補巢燕子。啣。將細雨香泥重做。○誰向花前行  
過。見金蓮踪跡。尚畱些箇。無處覓佳音。贏得兩眉低  
鎖。茂弘何事。猶携紈扇。却恐西風相污。且歸去綠樹  
陰中。淨掃青苔高臥。

一寸金

周邦彥

州夾蒼崖。下枕江山。是城郭望海霞。接日紅翻水面。  
晴風吹草。青搖山脚。波暝鳧鷖。作沙痕退。夜潮正落。

作字妙

疎林外一點炊烟。渡口參差正寥廓。○自歎勞生經年何事京華信漂泊。念清蒲打柳空歸閒。夢風輪雨。檝終辜前約。情景牽心眼。流連處利名易薄。回頭謝冶葉倡條。便入漁釣樂。

疎影

仙呂宮○堯章自度曲

詠梅

姜夔

啓母化石  
虞姬化草  
昭君留春  
詛飾光明

苔枝綴玉有翠禽。小小枝上同宿。客裏相逢籬角黃昏。無言自倚脩竹。昭君不慣胡沙遠。但暗憶江南江北。想珮環。月夜歸來。化作此花幽獨。○猶記深宮舊

漢宮化而  
爲悔不亦  
宜乎

事那人正睡裏飛近蛾綠莫似尋風不管盈盈早與  
安排金屋。還教一片隨波去。又却怨玉龍哀曲等恁  
時重覓幽香已入小窻橫幅。

風流子 第二體

史達祖

紅樓橫落日蕭郎去幾度碧雲飛記窻眼遍香玉臺  
粧罷馬蹄敲月沙路人歸如今但一鶯通信息雙燕  
說相思入耳舊歌怕聽金縷斷腸新句羞染烏絲○  
相逢南溪上桃花嫩嬌樣淺澹羅衣恰是怨深腮赤

姚夢蘭寄  
東陽詩止  
傅還君與  
妾扇五字  
末句本之

愁重聲遲。悵東風巷陌。草迷春恨。軟塵庭戶。花悞幽  
期多少。寄來芳字。都待還伊。

秋怨

周邦彥

粘杆銀鈞  
詞句屬對  
魂芳魄  
兼金石綺  
絲之美長  
篇不易

楓林彫晚。葉闌河迥。楚客憐將歸望。一川暝。鴈聲  
哀怨。半規涼月。人影參差。酒醒後。淚花銷。鳳蠟風幙  
捲。金泥砧杵。韻高喚。回殘夢。綺羅香減。牽起餘悲。○  
亭臯分襟地。難揀處。偏是掩面牽衣。何況愁懷長結。  
重見無期。想寄恨書中。銀鈞空滿。斷腸聲裏。玉筍還  
垂。多少暗愁密意。惟有天知。

漢出征及使絕國皆受金泥之盟封卽浮圻國蘭  
泥金也以封函匣鬼魅不敢干

對瑟妓

張翥

梨園供奉曲。卿卿解寫入十三絃。聽促彈寶柱暮催  
行雨放嬌銀甲春繞飛烟。可人處。鳳聲啼玉碎。燕尾  
點波圓。宜與畫看微容妍。麗欲裁詩寄鶯思纏綿。○  
多情曾相遇。歸舟字。夢裏尚記游仙。好倩鈿牀纖手  
移近樽前。儘何處教吹玉簫。明月此情追憶錦瑟華  
年。多少舊愁新恨。知爲誰傳。

唐崔懷寶琴詩得近佳人纖手裏  
砑羅裙上放嬌聲

行樂

謝懋

婁鮑可掩  
庚純之長

少年多行樂。方豪健。何處不嬉遊。  
記情逐酒波。爓香斜徑醉。搖鞭影。  
撲絮青樓。難忘是歌名。偏婉婉。柳  
花飛。得溫柔。嬌雨娛雲旋。寬衣帶。  
賸風殘。月都在眉頭。○  
一成憔悴損。人驚怪。還自引鏡堪羞。  
誰念短封私寫。征雁難求。對夜寒。  
燈火。嬾尋前夢。曉空烟水。供斷閒。  
愁情到不堪言處。却悔風流。

感舊

吳激

書劍憶遊梁。當時事底處。不堪傷。望蘭楫嫩漪。向吳南浦。杏花微雨。窺宋東牆。鳳城外。燕隨青步障。絲惹紫游韁。曲水古今禁烟前後。暮雲樓閣芳艸池塘。回首斷人腸。流年去如電。雙鬢如霜。欲遣從來遺恨。頻近清觴。聽出塞琵琶。風沙淅瀝。寄書鴻雁。烟月微茫。不似海門潮信。猶到潯陽。

欲遣二句一作獨有螳尊陶寫蝶夢悠揚

驪山詞

無名氏



較之長恨  
歌更能謝  
華啓秀

三郎年少客風流。夢繡嶺，疊瑤環。漸嬌汗發香海棠。  
睡煖笑波生，媚荔子，漿寒。况此際曲江人不見，偃月  
事無端。羯鼓三聲，打開蜀道，霓裳一曲，舞破潼關。  
馬嵬西去路，愁來無會處。淚滿關山，空有羅囊遺恨。  
錦襪傳看，歎玉笛聲沉樓頭，月下金釵，信杳天上人。  
問幾度秋風，渭水落葉長安。

升庵曰：昔于臨潼驪山之溫湯，見石刻元人一詞，  
云云再過之石已磨爲別刻矣。

美人

沈際飛

字字挑奇

辭俊此豔

詞之尤也

可友楊狀

元而双唐

解元一

對洛陽春色。排天錦。爭似曉妝標。看微注檀痕。悄藏心事。淺簪花朶。徐放蕭騷鏡奩掩。玉纖和露洗金釧。帶風敲。卯酒易醒。漫鬆蟬翼。午茶猶困。輕展鮫綃。○  
溜波窺豔蝶。扇羅頻撲處。苔印弓凹。別有煖香幽送。冷句深挑。况翻新低唱。貝餘白。糝奏奇小舞。星隱紅潮。拂地綠絲垂也。難學纖腰。

凹音鑿與莊子坳堂之坳同

女冠子 第二體

元夕

蔣捷

高季迪石  
州授詞駉  
正舊韻願  
與此同

清感何終

蕙花香也。雪晴池館如畫。春風飛到寶釵樓上。一片  
笙簫琉璃光射。而今燈設挂。不是暗塵明月。那時元  
夜。况年來心懶意怯。羞與鬧蛾爭耍。○江城人悄初  
夏打。問繁華誰解。再向天公借。別殘紅地。但夢裏隱  
隱。鈿車羅帕。吳牋銀粉。待把舊家風景。寫成閒話。  
笑綠鬢鄰女。倚窻猶唱夕陽西下。

詞品沈韻多不合聲律。卽如打字與等字押卦畫  
與怪壞押此。鳩舌之病。豈可爲洪元人周德清著  
中原音韻偉矣。宋詞已有開先者。如蔣捷女冠子

龍叔用感皇恩酌古斟今可爲用韻之式又呂聖

求惜分釵云重簾下微燈挂背闌同說春風話用

韻亦與蔣捷同意○一本鬧蛾下多一兒字康伯

可上元詞鬧蛾兒滿路成團打隊簇着冠兒鬪轉

馬莊父元夕詞玉梅對妝雪柳鬧蛾兒像生嬌顫

○碾碾也

過秦樓

一名惜餘春慢

和周清真

方千里

柳酒駭黃草揉螺黛院落雨痕纔斷蜂鬚霧濕燕嘴

新粧袿服  
照耀遠近

泥融陌上細風頻扇。多少豔景開心。長苦春光疾如  
飛箭。對東風忍負。西園清賞。翠深香遠。○空暗憶醉  
走銅駝。間敲金鐙。倦跡素衣塵染。因花瘦覺。爲酒情  
鍾綠鬢。幾番催變。何況逢迎。向人眉黛。供愁嬌波。回  
倩料相思。此際濃于空裡。亂紅千點。

多少豔景開心可作仄仄平平仄平末句或少二  
字作濃似飛紅萬點

丹鳳吟

春恨

周邦彥

濃慘脆下  
如佛

張仲宗詩  
芳東風天  
似落絮似  
也

重握何可  
住轉云柏  
人道着直  
出數文

迤邐春光無賴。翠藻翻池。黃蜂遊閣。朝來風暴。飛絮  
亂投簾幙。生憎暮景。倚牆臨岸。杏。靨。天。邪。榆。錢。輕。薄。  
晝永思惟傍枕。睡起無憀。殘照猶在庭角。○况是別  
離氣味。坐來便覺心緒惡。痛飲澆愁酒。奈愁濃如酒。  
無計銷鑠。那堪昏暝。菽菽半簾花落。弄粉調朱。柔素  
手。問何時重握。此時此意。生怕人道着。天讀作歪

沁園春

一名洞庭春色 一名大聖樂

白玉蟾

乍雨還晴。似寒而煖。春事已深。是婦鳩乳燕。說教魚

于剪會更  
能飛能語

先出吹面  
沾衣後承  
脚風杏雨

躍。豪。蜂。醉。蝶。撩。得。鶯。吟。鬪。茗。分。香。脫。禪。衣。袂。回。首。清  
明。上。巳。臨。芳。菲。處。在。梨。花。金。屋。楊。柳。瑤。林。○。如。今。詩  
酒。胸。襟。對。好。景。良。辰。似。有。妊。念。恨。如。芳。草。知。他。多。少。  
夢。和。飛。絮。何。處。追。尋。病。酒。時。光。困。人。天。氣。早。有。秋。秧。  
吐。嫩。針。蘭。亭。短。漸。流。觴。曲。水。修。禊。山。陰。禪音丹

白玉蟾

吹。面。無。寒。沾。衣。不。濕。豈。不。快。哉。正。杏。花。雨。嫩。紅。飛。香  
砌。柳。枝。風。軟。綠。映。芳。臺。燕。似。談。禪。鶯。如。演。史。猶。有。海  
棠。連。夜。開。清。明。也。尚。陰。晴。莫。準。蜂。蝶。休。猜。○。朝。來。應

問蒼苔甚幾日都成錦綉堆。念四方賓友不堪消。一年春事已屬庭槐。宿酒難醒多情易老爭奈酒杯不放杯如何好看秋千戲劇蹴踘詠諧。

白玉蟾

客裏家山記踏來時。水曲山崖被灘聲喧。夜雞聲破曉匆匆驚覺。依舊天涯抖擻征衣。寒欺薄袂。回首銀河西未斜。塵埃積歎有如此髮。空爲伊華。○古來旅况堪嗟。儘貧也還須貧在家。料驛舍旁邊月痕白處。暗香微度。應是梅花。揀折一枝路逢南雁和兩字平。



即文及翁  
兩粥之飯  
之意

安寄與他。教知道。有長亭短堠。五飯三茶。

白玉蟾

嫩雨如塵。嬌雲似織。未肯便晴。見海棠花下。飛來雙燕。垂楊深處。啼斷孤鶯。綠砌苔香。紅橋水煖。笑撚吟髭。行復行。幽尋懶。就半窻殘睡。一枕初醒。○銷凝次第。清明渺。南北東西。草又青。念鏡中勛業。韶光冉冉。尊前今古。銀髮星星。青鳥無憑。丹霄有約。獨倚東風。無限情。誰知有。這春山萬點。杜宇千聲。

秦觀

宿靄迷空，膩雲籠日。晝景漸長，正蘭皋泥潤，誰家燕  
喜。蜜脾香少，觸處蜂忙。盡日無人簾幙挂，更風遞遊  
絲時過牆。微雨後，有桃愁杏怨，紅淚淋浪。○風流寸  
心易感，恨依依、竚立回盡柔腸。小匳瑤鑑，重勾絳蠟。  
玉籠金斗，時熨沉香柳下，相將遊冶處，便回首、青樓  
成異鄉。相憶事，縱蠻牋萬疊，難寫微茫。

蘭皋泥潤一作蘭泥膏潤

別恨

陸游

一別秦樓轉眼，新春又近。放燈憶盈盈倩，笑纖纖柔  
握。雪香花語，玉煖酥凝，念遠愁腸傷春病。思自怪平

雪日香玉  
日煖凝肌

奉芳○押  
曾字妙

生殊未曾君知否。漸香消蜀錦。淚漬吳綾。○難求繫  
日長繩。况倦客飄零。少舊朋。但江郊雁起。漁村笛怨。  
寒缸委燼。孤硯生冰。水繞山圍。烟昏雲慘。縱有高臺  
常怯登。消魂處。是魚箋不到。蘭夢無憑。

奉東章史君再遊西園

黃機

問訊西園。一春幾何。君今再遊。記流觴亭北。偷拈酒  
戲。凌雲臺上。暗度詩闌。略略花痕。差差柳意。十日不  
來。紅綠稠。須重醉。便功名了後。白髮爭休。○定誰騎  
鶴揚州。任書放牀頭。鬢。鬢。鬢。况殷勤鶯燕。能歌更舞。

蔡澤合王  
齋之年畫  
范蠡之功  
名以昭應  
後亦是此  
意

輕狂蜂蝶欲去還留。歲月易忘。姓名須載筆勢翩翩。  
回萬牛歸來晚。有燭明金剪。香煖珠篝。

壽

黃機

問訊梅梢小春近也。花應漸開。記華堂此日紅牙絲  
竹歡聲。昨夜翠玉樽。壘霧節童童。金旂良良。人自闌  
風玄圃來嬉游處。任滄波變陸劫火成灰。○行天看  
取龍媒笑衛霍當年如此哉。有筆頭文字何妨揮灑。  
胸中兵甲解洗氛埃。見說君王防秋才子。便著芝泥  
封詔催功名事。付屏顏燕石。窳兀雲臺。

送趙暹使之江西

黃機

只字今字  
有對

有美一人昔在何居。今方見之。儼璫纓翠。卉氣清芬。  
只珠幢絳節。光陸離兮。吾道非耶。世情復爾。天驥昂  
藏不受羈。還知否定曲高寡和。才大難施。○行吟湘  
水之湄。看雲卷雲舒。無定姿。想粲然長笑。物皆有用。  
時哉易失。我亦奚爲。袖手旁觀。何如小試。欲脫囊中  
失利錐。君休歎。正梅花將發。塵滿征衣。只音紙

自適

嚴參

日歸去來歸去來。今吾將安歸。但有東籬菊。有西園

九個有室  
變化

笑絕勞人  
草草

夫字未用

桂有南溪月。有北山。薺蜂則有房。魚還有穴。蟻有樓。  
臺獸有衣。吾應有雲中。舊隱竹裏柴扉。○人間征路。  
熹微看處處。丹楓白露晞。况寒原衰草。牛羊來下。淡  
烟秋水鱸。鰕初肥。自歎平生。頽然骨相。只合持竿坐  
釣磯。都休也。對西風無語。落日斜暉。

自述

戴復古

一曲狂歌有百餘言。說盡平生。費十年燈火。讀書讀  
史。四方奔走。求利求名。蹭蹬歸來。閉門獨坐。贏得窮  
吟詩句。清夫詩者。皆吾儂。平日愁歎之聲。○空餘豪

守分開機  
是風人溫  
厚之旨

卷字未用

冷水灌頂  
通身一汗

氣崢嶸。安得良田三頃耕。向臨邛滌器可憐司馬成。  
都賣卜。誰識君平分則宜。然吾何敢怨螻蟻。逍遙載  
粒行。開懷抱。有青梅薦酒。綠樹啼鶯。

次強雲卿韻

蔣捷

結算平生風流債。負請一筆勾。蓋攻性之兵。花圍錦  
陣。毒身之鴆。笑齒歌喉。豈識吾儒道中樂地。絕勝珠  
簾十里樓。因底歎歎晴乾不去。待雨淋頭。○休休着  
甚來由。硬鐵漢從來氣食牛。但只有千篇好詩。好曲。  
都無半點閒悶愁。自古嬌波溺人多矣。試問還能

濁我不高擡眼。看牽絲傀儡。誰弄誰收。不音浮。

壽岳君舉

蔣捷

昔裴晉公。生甲辰歲。秉唐相鈞。向東都治第。纔娛老  
眼。北門建節。又絆閒身。煥館花濃。涼臺月淡。不記弓  
刀。千騎塵。誰堪羨。羨南塘居士。做散仙人。○南塘水  
向晴雲。三百樹。鳳洲楊柳春。有綠衣秦山。金飛小雁。  
綵衣勸酒。玉跪雙麟。前後同年。逸勞異趣。中立翻成  
雌甲辰斯言也。是梅花說與竹里山民。

中立裴晉公字或以槐瘦遺晉公郎中庚威在坐



曰此是雌樹生者公偶及年甲對日與公同是甲

辰公笑曰郎中是雌甲辰

爲老人書南堂壁

蔣捷

一肚皮  
薄

面風背日  
清福老人  
大受用

老子平生辛勤幾年始有此廬也學那陶潛籬栽些  
菊依他杜甫園種些蔬除了雕梁肯容紫燕誰管門  
前長者車怪近日把一庭明月却借伊渠○鬢邊白  
雪紛如又何苦招賓納客歟但夏榻宵眠面風欹枕  
冬簷晝短背日觀書若有人尋只教僮道這屋主人  
今自居休羨彼有搖金寶轡織翠華裾

送孫季和

號竹湖

蔣 櫛

問信竹湖竹如之何如何不歸道吳山越水無非佳  
處來無定止去亦何爲莫是秋來未能忘頃心與孤  
雲相伴飛閒情處向南山寄傲北礪題詩○人生萬  
事成癡筭世上終無真是非看雲臺突兀無君子者  
雪堂零落有美人今疎雨梧桐微雲河漢鍾鼎山林  
無限悲陽山縣問昌黎負汝汝負昌黎

答余叔良

辛棄疾

我試評君君定何如玉川似之記李花初發乘雲共

者字今字  
奇對

倚韻和歌  
字詞最盛  
不天然  
韻轉有水  
到渠成之  
趣

語梅花開後。對月相思白髮重。來畫橋一望。秋水長天。孤鶩飛同吟處。看珮搖明月。衣捲青霓。○相君高節崔巍。是此處耕巖與釣溪。被西風吹盡。村簫社鼓。青山畱得。松蓋雲旗。弔古愁濃。懷人日暮。一片心從天外歸。新詞好似。婁涼楚些。字字堪題。

答楊世長

辛棄疾

我醉狂吟。君作新聲。倚歌和之。筭芬芳。定向梅間得意。輕清多是。雪裏尋思。朱雀橋邊。何人會道。野草斜陽。春燕飛都休問。甚元無霽雨。却有晴霓。○詩壇午

丈崔嵬更有筆如山。雲作溪。著君才未數。曹劉敵手。  
風騷合受屈。宋降旗誰識。相如平生自許。慷慨須乘  
駟馬歸。長安路。問垂虹。千柱何處曾題。

期思卜築

辛棄疾

一水西來。千丈晴虹。十里翠屏。喜草堂經歲。重來杜  
老。斜川好景。不負淵明。老鶴高飛。一枝移宿。長笑蝸  
牛戴屋。行平章了。待十分佳處。著個茅亭。○青山意  
氣崢嶸。似爲我歸來。嫵媚生解。頻教花鳥。前歌後舞。  
更催雲水暮。送朝迎酒。聖詩豪。可能無勢。我乃而今

青  
第  
五  
駕馭。卿清溪上。被山靈却笑。白髮歸耕。

期思舊呼奇獅。或云碁師皆非也。荀卿書曰孫叔敖。期思之鄙人也。期思屬弋陽郡。

和吳子似縣尉

辛棄疾

我見君來頓覺吾廬。溪山美哉。悵平生肝膽都成楚越。只今膠漆誰是陳雷。搔首躊躇。愛而不見。要得詩

來。渴望梅還知否。怯清風入手。且看千回。○直須抖搜塵埃。人怪我柴門。今始開向松間。乍可從他。喝道庭中。切莫踏破蒼苔。豈有文章。謾勞車馬。待喚青芻。

白飯來君非我。任功名意氣。莫恁徘徊。

諭杯

辛棄疾

杯汝前來。老子今朝。檢點形骸。甚長年抱渴。咽如焦  
釜。於今喜溢。氣似奔雷。謾說劉伶。古今達者。醉後何  
妨死便埋。如此歎汝於知己。真少恩哉。○更憑歌舞  
爲媒。筭合作平居。鳩毒猜。况怨無大小。生於所愛物。  
無美惡。過則爲災。與汝成言。勿畱亟去。吾力猶能肆。  
汝杯。杯再拜。道麾之卽去。招則須來。

慈無大小  
四句如箴  
如銘  
未句便爲  
次作埋糧

幼安居山日嘗欲止酒作此詞一日城中諸公載

登曰者辭  
也雲雷者  
况也

酒入山幼安不得以止酒爲解遂破戒一醉再賡  
前調云

又

辛棄疾

杯汝知乎。酒泉罷侯。鴟夷乞骸。更高陽入謁。都稱蓋。  
白杜康初筮。正得雲雷。細數從前。不堪餘恨。歲月都  
將麴蘖埋。君詩好似提壺。却勸沽酒何哉。○君言病  
豈無媒。似壁上雕弓。蛇暗猜。記醉眠陶令。終全至樂。  
獨醒屈子。未免沉菑。欲聽公言。慙非勇者。司馬家兒。  
解覆杯。還堪笑。借今宵一醉。爲故人來。

築堰湖未成

辛棄疾

壘嶂西馳萬馬回旋衆山欲東正驚湍直下跳珠倒  
蹴小橋橫截新月初弓老合投閒天教多事檢校長  
身十萬松吾廬小在龍蛇影外風雨聲中○爭先見  
面重重看爽氣朝來三四峰似謝家子弟衣冠磊落  
相如庭戶車騎從容我覺其間雄深雅健如對文章  
太史公新堤路問堰湖何日煙水濛濛

退閒

辛棄疾

三逕初成鶴怨猿驚稼軒未來甚雲山自許平生意

雄深雅健  
四字功安  
可以自贈

功名一雞  
肋人世九



羊腸張翰  
尊鱸有托  
而逃稼軒  
識得○鄭  
拔亦魚救  
稼軒種柳  
觀梅皆亭  
業

氣概雷擊  
霆震

氣衣冠人笑抵死塵埃意倦須還身閒要早豈爲尊  
羹鱸膾哉秋江上看驚弦雁避駭浪船回○東岡更  
葺茅齋好都把軒窗臨水開要小舟行釣先應種柳  
疎籬護竹莫礙觀梅秋菊堪餐春蘭可佩畱待先生  
手自栽沉吟久怕君恩未許此意徘徊

夢方孚若

名信孺

劉克莊

何處相逢登寶釵樓訪銅雀臺喚廚人斫就東溟鯨  
膾圍人呈罷西極龍媒天下英雄使君與操餘子誰  
堪共酒杯卓千乘載燕南代北劍客奇材○飲酣畫

鼓如雷。誰信被晨雞催喚回。歎年光過盡。功名未立。  
書生老去。機會方來。使李將軍。遇高皇帝。萬戶侯何  
足道哉。推衣起。但淒涼感舊。慷慨生哀。

送包尉

劉克莊

我羨君歸。一路秋風芙蓉木犀。想慈顏望久。靈烏乍  
噪。新眉畫就。郎馬頻嘶。忙脫征衫。快呼斗酒。細與家  
人說。建谿情知道。這中年懷抱。生怕分攜。○丈夫南  
北東西。應笑殺離筵粉淚啼。悵佳人來未。碧雲冉冉。  
王孫去後。芳草萋萋。明日相思。山長水複。古道人稀。

荊店雞元龍老。有高樓百尺。誰共登梯。

寄鍾賢良

劉克莊

我夢見君帶飛霞冠。著官錦袍。與牧之高會。齊山風  
月。謫仙同載。采石雲濤。萬卷星羅。千篇電掃。不學窮  
兒賦楚騷。掀髯處。有魚龍起舞。狐兔悲嗥。○英雄埋  
沒蓬蒿。暗摸索當年。劉與曹。歎事機易失。功名難偶。  
誅茅西嶼。種秫東臯。柵有雞豚。庭無羔雁。不是先生  
索價高人。間窄待相期海上。共摘蟠桃。

贈孫季蕃

劉克莊

八閩卷三  
可作調  
心以比人  
四 則可哀之

孫仲謀句  
家所用之

南鄉子後

村用之心

圖春不許

第三人吞

刺

用人用物

用事用言

愈實愈空

正如善用

歲暮天寒一見飄然幅巾布裘儘侵雲鳥道躋攀絕

頂拍天鯨浸笑傲中流疇昔期君紫髯鉄面生子當

如孫仲謀誰知道到中年猶未建節封侯○南來萬

里何求因感慨喬公成遠遊悵名姬駿馬都如昨夢

隻雞斗酒難到新丘天地無情功名有數千古英雄

只麼休平生○獨羊曇一個淚洒西州廢去聲

寄九華葉賢良

劉克莊

一卷陰符二石硬弓百斤寶刀更玉花驄噴鳴鞭電

抹烏絲欄展醉墨龍跳牛角書生虬髯豪客談笑皆

劍者但見  
寒光一片  
不見劍亦  
不見身

從折簡招依稀記曾請纓係粵草檄征遼○當年目  
視雲霄誰信道淒涼今折腰悵燕然未勒南歸草草  
長安不見北望迢迢老去胸中有些磊塊歌罷猶須  
著酒澆休休也但帽邊髻減鏡裡顏彫

跳音迢

程垓

錦字親裁淚巾偷裊細說舊時記笑桃門巷粧窺寶  
靨弄花庭榭香濕羅衣幾度相隨遊冶去任月細風  
尖猶未歸多少事有垂楊眼見紅燭心知○如今事  
都過也但贏得雙雙鬢作絲歎半擎紅豆相思有分

兩分青鏡。重合難期。惆悵一春飛絮。夢悠颺。教人分付誰消魂處。又梨花雨暗。半揜重扉。幾度句惆悵句俱少一字

有感

王梅邊

又字起最  
登警

又是年時杏紅欲臉。柳綠初芽。漸尋春步遠。馬嘶溪曲。賣花聲過。人啓窻紗。煖日晴烟。輕衣羅扇。看遍王孫七寶車。誰知道。那十年冤夢。風雨天涯。○休休何必傷嗟。謾贏得青青兩鬢華。且不知門外桃花。何代不知。江左燕子。誰家。世事無情。天公有意。歲歲東風。歲歲花拚一笑。且醒來杯酒。醉後杯茶。

自題方壺

汪柳塘

春至傷春。秋至悲秋。誰在華胥。歎謫仙才氣。飛揚跋扈。淵明何事。慷慨歛歔。自我少年。如今晚景。行半人間。真有餘都。休問且一觴。一咏吾愛吾廬。○南華境界。何如舍明月。清風誰與居。望蓬山路。杳萬株翠檜。方壺門掩。四面紅蕖。中有佳人。綽如姑射。一炷清香。滿太虛。塵寰外。任鳴鶴。各飛鶴傳書。

與郭果

劉過

玉帶銅符。手內青蛇。足下赤龍。蟬爭出。千官鱗

詞此等詞  
可驅惡鬼  
可禁小兒  
啼

次。貌。貅。不。斷。萬。騎。蜂。從。細。柳。營。開。團。花。袖。窄。人。指。汾。  
陽。郭。令。公。山。西。將。算。韜。鈴。有。種。五。世。元。戎。○。裨。雲。蔽。  
滿。寒。空。且。蹴。踡。從。容。虎。帳。中。看。刀。明。似。月。星。辰。列。幟。  
箭。飛。如。雨。霹。靂。鳴。弓。威。撼。邊。城。氣。吞。胡。虜。慘。澹。塵。沙。  
吹。北。風。中。興。事。仗。君。王。神。武。駕。馭。英。雄。

劉攽之又作一沁園春題壁間胡晉臣之女所書  
赤壁賦後云想東坡賦就紗籠雪粉西山句好簾  
捲晴珠白玉堂深黃金印大無此文君載後車揮  
毫處看淋漓錯落真草行書此數語亦可傳



美人指甲

劉過

合此四詞  
閒房耽玩

安知不買

骨致駿而

天龍降于

好圖哉

妙到人不  
知處

銷薄春冰碾輕寒。玉漸長。漸彎。見鳳鞵泥污。俚人強  
剔龍涎香斷。搔火輕翻。學撫瑤琴。時時欲剪。更掬水  
魚鱗波底寒。纖柔處。試摘花香。滿鏤棗成斑。○時將  
粉淚偷彈。記綰玉曾教柳傅看。算恩情相着。搔便玉  
體。歸期暗數。劃遍闌干。每到相思。沉吟靜處。斜倚朱  
唇皓齒間。風流甚。把仙郎暗掐。莫放春閒。便平聲

詞品云元人咏指甲得勝令一闕宜將鬪艸尋宜  
把花枝浸宜將繡線勻宜把金針紉宜操七絃琴

宜結兩同心。宜托腮邊玉。宜圈鞋上金。難禁得一  
招通身沁。知音。治相思十箇針。豔與之極。又關漢  
卿。嘲秃指甲。醉扶歸。一闕十指如枯筍。和袖捧金  
尊。搗殺銀箏字。不真搔痒。天生鈍。縱有相思淚痕。  
緊把拳頭搵。亦可資捧腹。

美人足

劉過

洛浦凌波。爲誰徵步。輕塵暗生。記踏花芳徑。亂紅不  
損。步苔幽砌。嫩綠無痕。襯玉羅。慳銷金樣。窄載不起。  
盈盈一段春。嬉遊倦。笑教人款捻。微褪些根。○有時

言其輕則  
持不住言  
其盈則載  
不起輕盈

原非兩種  
○皆忌常  
故而得侶  
照分四字  
甚異

自度歌聲。悄不覺微尖點。拍頻憶金蓮。移換文鴛。得  
侶繡茵催袞舞。鳳輕分懊恨。深遮牽情半露。出沒風  
前烟縷。裙知何似似一鈎。新月淺碧籠雲。

美人眉

邵亨貞

巧鬪彎環。纖凝嫵媚。明粧未收。似江亭曉玩。遙山拂  
翠宮簾暮。捲新月橫鈎。掃黛嫌濃塗。鈴訝淺能畫。張  
郎不自由。傷春倦爲皺。多無力。翻做嬌羞。○填來不  
滿橫秋料。着得人間多少。愁記魚箋緘。啓背人偷飲。  
雁鈿膠併。運指輕柔。有喜先占長。顰難效柳葉輕黃。

美人之美  
至目而迴  
漏盡矣回  
旋顧復嘆  
喜笑啼百  
般難狀清  
溪能具此  
之

今在不雙尖鎖試臨鸞一展依舊風流

美人目

邵亨貞

漆點填暉。鳳梢侵鬢。天然俊生。記隔花瞥見。疎星烟  
炯。倚闌凝注。止水盈盈。端正窺簾。管騰竝枕。睥睨檀  
郎。長是青端相久。待嫣然一笑。密意將成。○困酣曾  
被鶯鶯。強臨鏡。按抄猶未醒。憶帳中親見。似嫌羅密  
尊前相顧。翻怕燈明。醉後看成。歌闌鬪弄。幾度孜孜  
頻送情。難忘處。是鮫綃搵透。別淚雙零。

寄內兄

高啓

黃金復來  
赤手猶可  
紅日欲墮  
白頭奈何

手揮五絃  
目送飛鴻  
傳神寫照  
正在阿堵

憶昔初逢意氣相期一何壯哉擬獻三千牘。叫開漢  
闕躡一雙躡走上燕臺我勸君酬君歌我舞天地疎  
狂兩秀才驚回首謾十年風月四海塵埃。○摩挲舊  
劍生苔歎同掩衡門盡草萊視黃金有鎰已隨手去  
素絲幾縷欲上頭來莫厭栖栖但存耿耿得失區區  
何足哀心惟願對尊中酒滿樹上花開。

雁

高 啓

木落時來花發時歸年又一年記南樓望信夕陽簾  
外西窗驚夢夜雨燈前寫月書斜征霜陣整橫破瀟

湘萬里天風吹斷見兩三低去似落箏絃○相呼共  
宿寒洲想只在蘆花淺水邊恨嗚嗚戍角忽催飛起  
悠悠漁火長照愁眠隴塞閉關江湖冷落莫戀道樵  
猶在田須高舉教弋人空慕雲海茫然

和鄭德章暮春感懷呈石末元帥

劉基

萬里封侯八珍鼎食何如故鄉奈狐狸夜嘯腥風滿  
地蛟螭畫舞平陸成江中澤號鴻苞荆集鵠輒盡平  
生鉄石腸凭闌看但雲霓明滅烟草蒼茫○不須踴

歷落昂藏  
青田之志  
見矣

踽涼涼。蓋世功名百戰場。笑楊雄寂寞。劉伶沉湎。嵇  
生縱誕。賀老清狂。江左夷吾。關中宰相。濟弱扶傾計  
甚長。桑榆外有輕陰乍起。未是斜陽。

從未須愁  
日暮天陰  
乍輕陰出

春水

楊基

巴蜀雪消。湘漢水融。淨無片埃。看風吹皺。綠晴涵杜  
若。雨添香膩。暖浸莓苔。江漲魚鱗。溪沉燕尾。贏得沙  
鷗宿鷺。猜花陰下見行人待渡。芳意徘徊。○湖邊十  
二樓臺。映多少朱簾影倒開。愛綠醅可染。蒲萄新釀。  
麴塵低蘸。楊柳初栽。修禊人歸。浣沙女去。猶有餘香。

樂夫慣脫  
妓鞋載蓋  
行酒謂之  
金更至促  
元鎮見之  
大怒翻案  
而起終身  
不面乃士  
衛宗吉信  
能相其意  
耶

拂岸來多情處。沉桃花無數。流出天台。

鞋盃

瞿佑

一掬嬌春弓樣新裁。蓮步未移。笑書生量窄。愛渠儘  
小。主人情重。酌我休遲。醞釀朝雲。斟量暮雨。能使麴  
生風味。奇何須去。向花塵留蹟。月地偷期。○風流到  
手偏宜。便豪吸雄吞不用辭。任凌波南浦。唯誇羅襪  
賞花上苑。祇勸金卮。羅帕高擎。銀瓶低注。絕勝翠裙  
深掩。時華筵散。奈此心先醉。此恨誰知。

楊廉夫訪瞿士衡以鞋盃行酒論其在孫宗吉味



之呈廉夫廉夫大喜卽命侍妓歌以侑觴袖其稿  
面去

題鴛鴦像

張肯

委蛻出塵  
梢寫深細  
不意蟬蛻  
二喻中妙  
境無盡如  
此

元才子說  
後之亦可  
說試前遊  
病亦可

楚楚芳姿是誰人扶上。崔娘卷中恰金蟬。委蛻鬢雲  
綠淺翠蛾出。蘭眉黛香濃。待月應真。迎風也似算只  
欠牆花一樹紅。千年恨。水流雲散。僧舍蒲東。而今  
驀地相逢。悄不似當年憔悴容。正章臺雲雨未。絲楊  
柳。蜀江秋露初。蕊芙蓉。一見魂消。再看腸斷。方信春  
情屬畫工。元才子。艷詞婚傳。空費雕蟲。

己丑新正

楊慎

甚矣吾衰歎天涯。歲月何苦頻催。奈霜毫種種三千。  
盈丈。丹心爛爛一寸成灰。三徑秋荒。五湖天遠。儒術  
於吾何有哉。君知否。盼行雲不住。流水難回。○寂寥  
誰與徘徊。好事者。惟翰麴秀才。昏花老眼。底須窺牖。  
支離病脚。最怯登臺。思發花前人。歸雁後。百感中來。  
強自裁狂歌好。清風和我。明月休猜。

自壽

楊慎

自壽一杯休行吟。澤畔兀坐山隈。笑窮兵獨舞干戈。

銀汁珠胎  
是此老本  
色奇語

相憐相慰  
情真語真  
讀之且歎  
且喜

載。戢。却。胡。長。嘯。鈴。槩。何。才。歸。去。來。兮。嗚。呼。老。矣。生。入。  
玉。門。何。日。哉。新。春。好。且。提。壺。沽。酒。共。賞。花。開。○催。花。  
擊。鼓。如。雷。酒。色。似。蒲。桃。初。發。醅。任。天。河。水。瀉。流。乾。銀。  
汁。月。輪。桂。老。撐。破。珠。胎。島。上。紅。雲。洞。中。香。雪。醉。倒。花。  
娘。錦。被。堆。與。君。約。醉。鄉。深。處。不。飲。休。來。  
窮兵獨舞常  
綴對千頓語

壽內

楊慎

勸。汝。一。杯。關。山。迢。遞。我。馬。虺。隤。想。玉。堂。金。馬。曾。同。富。  
貴。竹。籬。茅。舍。也。共。塵。埃。事。過。眼。前。老。來。頭。上。卿。不。見。  
吾。白。髮。哉。故。園。好。綠。衣。稱。壽。何。日。同。回。○天。涯。勸。我。

寬懷欠酒債，拔躡金雀釵。笑孔肩薄首，夫人書法稻。  
心羊髓，仙子琴才道。韞家聲，黔婁夫壻。此怨休將造。  
化埋六如偈，打開夢幻。新拜如來。

醉書

楊慎

愁汝休來，且天邊高寄。地下深埋，自戊申吾降。酒星  
正照，辛壬師授。酒誥蒙開，若下烏程。蘭生桑落，行輩  
都將。兄弟排二豪者，螟蛉果羸。如我何哉。○酒中聖  
豈無媒。要月戶風亭白，雪階况鸞腔。鳳調浮丘按拍。  
霞漿金醴，王母添杯。洞裏春濃。壺中夜永。童子休將

鶴駕催玄真侶。煩諸君爲我築醉仙臺。

摸魚兒

感歎

劉克莊

怪新來倚樓看鏡。清狂渾不如舊。莫雲千里傷心色。那更亂蟬疎柳。凝望久。愴故國百年漢闕。誰回首。功名大謬。歎采藥名山。讀書精舍。此計甚時就。○封侯事久矣。輸人妙手。扁舟聊作漁叟。高冠長劍都閒物。世上切身惟酒。千載後。君試看。拔山扛鼎俱烏有。英雄骨朽。問顧曲周郎。而今還解來聽小詞否。

讀此等詞  
數過自然  
萬念灰冷

莫 峯

聽春教燕。顰鶯訴朝朝。花困風雨。六橋忘却清明後。  
碧盡柳絲千縷。蜂蝶侶正閒。覓閒花。閒草閒歌舞。最  
憐西子尚薄薄。雲情盈盈波。淚點點。舊眉嫵。○流紅  
記空泛秋宮怨句。才色何處嬌妬。落紅無限隨風絮。  
詩恨有誰曾遇。堪恨處。恨二十四番花信。催花去。東  
君暗苦。更多囑多情多愁。杜宇多訴斷腸語。

湖上

杜 旗

放扁舟萬山環處。平鋪碧浪千頃。仙人憐我征塵久。

紫霞想

堤柳句冷  
爲他人言  
爲煩

稼軒中  
年  
被劾凡十  
六章自况  
凄楚

借與夢遊清枕。風乍靜。望兩岸群峰倒浸。玻璃影樓  
臺相映。更日薄烟輕。荷花似醉。飛鳥墮寒鏡。○中都  
內羅綺千街。萬井天教此地幽勝。仇池仙伯。今何在。  
堤柳幾眠。還醒君試問。此意只今更有何人領。功名  
未竟。待學取鴟夷。仍攜西子。來動五湖興。

春晚

辛棄疾

更能消幾番風雨。匆匆春又歸去。惜春長怕花開早。  
何況落紅無數。春且住。見說道天涯芳草迷歸路。怨  
春不語。算只有殷勤。畫簷蛛網。盡日惹飛絮。○長門

事准擬佳期又誤蛾眉曾有人妬千金縱買相如賦  
脈脈此情誰訴君莫舞君不見玉環飛燕皆塵土  
愁最苦休去倚危闌斜陽正在烟柳斷腸處

樂府原題公莫舞卽巾舞也沛公鴻門會宴項莊

舞劍項伯亦舞以袖隔之且語莊曰公莫言公莫

害漢王也漢人德之故舞用巾以象項伯衣袖云

○鶴林玉露云詞意殊怨斜陽烟柳之句其與未

須愁日暮天際乍輕陰者異矣使在漢唐時寧不

賈種豆種桃之禍哉愚聞壽王見此詞頗不悅然



終不加罪可謂至德也已

雨巖有石狀甚怪取離騷九歌名曰山鬼因

賦山鬼謠

辛棄疾

屈子山鬼  
篇不可無

問何年此山來此西風落日無語看君似是羲皇上  
直作太虛名汝溪上□算只有紅塵不到今猶古一  
盃誰舉笑我醉呼君崔巍未起山鳥覆盃去○須記  
取昨夜龍湫風雨門前石浪掀舞四更山鬼吹燈嘯  
驚倒世間兒女依然處還問我清遊杖屨公良苦神  
交心許待萬里攜君鞭笞鸞鳳送我遠遊賦

石浪菴外巨石也長三十餘丈

雁丘

元好問

問世間情是何物直教生死相許天南地北雙飛客  
老翅幾回寒暑歡樂趣離別苦就中更有癡兒女君  
應有語渺萬里層雲千山暮雪隻影向誰去○橫汾  
路寂寞當年簫鼓荒烟依舊平楚招魂楚些何嗟及  
山鬼暗啼風雨天也妬未信與鶯兒燕子俱黃土千  
秋萬古爲畱待騷人狂歌痛飲來訪雁丘處

泰和乙丑遺山赴試并州道逢捕雁者捕得二雁

旌陽見鹿  
斷腸迷蔡

弓矢學道  
此射鳥兒  
看當奈何

一死一脫網去其脫網者空中盤旋哀鳴良久亦  
投地死遺山遂以金贖二雁瘞汾水傍壘石爲識  
號曰雁丘因賦此詞同行蒲溪楊正卿果樂城李  
仁卿治和之○雁丘在今太原府陽曲縣

雁丘和韻

李治

雁雙雙正分汾水回頭生死殊路天長地久相思債  
何似眼前俱去推勁羽倘萬一幽冥却有重逢處詩  
翁感遇把江北江南風嘹月唳并付一丘土○仍爲  
汝小草幽蘭麗句聲聲字字酸楚拍江秋影今何在

草本欲迷隄樹霜魂苦算猶勝王嬌青塚真娘墓憑  
誰說與對鳥道長空龍艘古渡馬耳淚如雨

大名民家有男女以私情不遂赴水死後三月二  
尸相攜出水濱是年此陂荷花無不並蒂者李仁  
卿賦摸魚兒云爲多情和天也老不應情遽如許  
請君試聽雙蕖怨方見此情真處誰點注香歛灑  
銀塘對抹胭脂露藕絲幾縷絆玉骨春心金沙曉  
淚漠漠瑞紅吐連理樹一樣驪山懷古古今朝暮  
雲雨六郎夫婦三生夢幽恨從來艱阻須念取共

鴛鴦翡翠照影長。相聚秋風不住。悵寂寞芳魂輕。  
烟北渚。涼月又南浦。此與雁丘詞並。膾炙人口。

斷橋殘雪

瞿佑

望西湖。玉花飄後。嫩寒猶是凝。五瑤臺夢破飛瓊老。  
惆悵今吾非故。斜日暮。試指點橋南橋北。經行路佳  
期又悞。正環玦。隨波淚成鉛。水流入裏湖去。○凭欄  
處。十里銀沙分布。水泥深阻行步。孤山欲訪梅花信。  
除是扁舟飛渡。君莫訴。君不見酒樽誰酌。逋仙墓。詩  
魂未遇。但寂寞黃昏。月香水影。吟盡斷腸句。

句句是殘  
恁○莫仲  
喚斷橋殘  
雪云欲探  
梅花無處  
所山直透  
指逋仙墓  
一樣想頭

麴院風荷

瞿佑

望西湖藕花風起。紗窻午夢初覺。吳娃小艇貪遊戲。  
衝破浮萍一道。閒自料多應是。凌波競赴仙娥召。輕  
搖桂棹。愛香袖翻空。明粧映水。齊唱採蓮調。○凭欄  
處。兩岸波光相照。樓臺簾影顛倒。蜻蜓飛去鴛鴦散。  
應有玉顏歡笑。君莫誚。君不見流光過眼催年少。新  
涼又到。漸苦入芳心。絲纏香竅。荷背雨聲鬧。

兩峰插雲

瞿佑

望西湖兩峰齊聳。亭亭南北相對。玉山高並三千丈。

荷背鴈背  
兩背字都

鈴音用佛  
圓滙事大  
鴈用陳流  
嘲瘡山道  
士詩

俯視渺茫塵界。雲霧黶遮。不盡七層窻戶。雙飛蓋經時。歷代向僧定。人歸鈴音自語也。似說成敗。○凭欄處。幾度晴明陰晦。山光依舊如黛。白衣蒼狗多更變。識破世間情態。君莫怪。君不見英雄往日。今何在。羣仙久待便。乘此清風。問之明月。穩跨大鵬背。

自序西湖十景。梅深。張子成賦。應天長草窻。周公謹賦木蘭花慢。皆晚宋文士。以詞名家。惜其工夫有餘。而氣韻不足。丁亥夏。寄居外家富氏。餘清樓。俯瞰西湖。如開一鏡。技痒。不能自忍。製望西湖十

闕每篇末效辛稼軒君不見之句寓傷感焉嗚呼  
樂極悲生詞淚俱發三百篇大半孤臣孽子放妻  
棄婦不得其平而作夫子不棄余之製豈過乎

金陵秋夜

劉基

正淒涼月明孤館那堪征雁嘹唳不知衰鬢能多少  
還共柳絲同麗朱戶閉有瑟瑟蕭蕭落葉鳴莎砌斷  
魂不繫又何必殷勤啼蠶絡緯相伴夜迢遞○樵漁  
事天也和人較計虛名枉誤身世流年袞袞長江逝  
回首碧雲無際空引睇但滿眼芙蓉黃菊傷心麗風

介甫金陵  
桂枝香庶  
幾微乎



吹露洗寂寞。舊南朝。憑闌懷古。零淚在衣袂。脆脆同

感秋

楊基

問黃花爲誰開。晚青青猶繞西園。秋光賴有芙蓉好。  
那更薄霜輕霧。江遠處。但只見寒烟衰草。山無數。凭  
欄不語。恨一點飛鴻。數聲柔櫓。都不帶愁去。○當時  
夢空憶邯鄲故步。山陽笛裏曾賦。黃金散盡英雄老。  
莫倚善題鸚鵡。君看取。且信手提攜如意尊前舞。浮  
名浪許。要插柳當門。種桃臨水。歸老舊遊路。

古今詞統卷十五終